



# Getxo

ANDRÉS ISASI MUSIKA ESKOLA

*bizi ezazu*

# MED

## Musika Eskola Digitala

Zenb./Nº 31  
Urtea/Año 2015  
Urria/Octubre

### AURKEZPEN-GIDA 2015-16

Ikasturtearen hasierarekin batera, Ikasturtearen Aurkezpen Gida eman dizuegu. Bertan, gure antolaketa eta jardueri buruzko informazio garrantzitsua aurkituko duzue. Formatua aldatu diogu, erabilgarriago izan dadin, eskola-egutegia sartu diogularik. Interesgarriak iruditzen zaizkizuen gaiak iradoki. Web orrian ere aurkitu dezakezue; bertan, informazio zabalagoa aurkitu ahal izango duzue.

### TRESNAREN HASTAPENAK

Bi egoitzatan banatzea da Musika Eskolan egin genuen "Tresnaren Hastapenak" irakasgaiaren formatoa aldatzera eraman gaituen arrazoï garrantzitsuenetako bat. Gogoratuko duzuenek, hionen bidez Eskolan ikas daitezkeen tresna gehienak aurkezten genizkizuen: biolina, biola, biolontxeloa, kontrabaxua, flauta, oboea, klarineta, saxofoi, tronpa, tronpeta, tronboia, tuba, txistua edo akordeoi. Jarduera hau, datorren ikasturtean bere musika-tresna aukeratu behar dutenei zuzendua da. Oso garrantzitsua da saioetara etortzea, hobeto jakingo dugulako tresna bakoitza zer den eta aukeraketa argiagoo izaten lagunduko gaitu. Saiok ostiraletan egingo ditugu eta bertan bat egingo dugu kontzertu didaktikoa eta musika-tresna hurbilgotik ezagutzen lagunduko zaituen tailerra.

### PRESIDENTEAREN ONGI ETORRIA

Lagun agurgarriak:

Koldo Iturbe nauzue, Musika Eskolako Presidentea legealdî honetan. Udaleko euskara-arloko arduraduna eta Kultur Etxeko Presidentea ere banaiz. Musika Eskolako Presidente izan nintzen 1999-2003 legealdian; ondo ezagutzen dut eta ohore handia da niretzat eta benetan harro nago berriro ere zuekin lan egiteko dudak aukerarekin.

Musika oso garrantzitsua da gure herriarentzat eta gure herritarrentzat nahi dugunarako. Eta izaten jarraituko du. Instalazioak handitu egin ditugu Algortako egoitza berria zabalduz. Instalazio modernoak dira, eta zentzu handiagoo izango dute proiektu estrategikoa berria erabat amaitu eta gero: lurpeko bi entzunaretoak eta areto nagusia.

Zuen ahalegina eta sakrifizioa aitortu nahi dut. Musikaren soina polita izan dadin denbora asko behar da. Baina azken emaitza polita eta atsegina da, eta merezi du. Musikak irekiago eta jasanberago bihurtzen gaitu, kulturalki aberastu eta pertsona hobeagoak egiten gaitu. Ikastera animatu!

Jakin ezazue, azkenik, zuen esanetara nauzuela, zuen iradokizun eta iritziak jasotzeko, guztion artean gure Musika Eskola gero eta hobeagoa egiteko.

Har ezazue nire agur beroa.

### BERRIRO ZUEKIN

Irailaren 14an eman genion hasiera ikasturte berriari. Ongi etorriak guztiak eta, batez ere, eskerrik asko musika ikasteko gugan jarri duzuen konfiantzagatik. Musika zuen bizitzetan zerbait garrantzitsua izatea nahi dugu, eta horretarako ari gara egunero lanean. Musika Eskola Digitala, zuen aldizkaria, gure Zentroan izango ditugun berri garrantzitsuenen berri emateaz arduratuko da hilerio. MED gure irakaskuntza-estiloaren eta gure antolaketaren zenbait aldeei buruzko hausnarketak biltzen ere saiatuko da.

Berri handiarekin hasi dugu ikasturtea: "Andrés Isasi" Musika Eskolaren Algortako instalazio berrien irekiera. Getxo Antzokia berriaren ondoan. Zuetako askok ezagutzen dituzue dagoeneko, talde-entseguak egiten edo musika-tresna, lengoaia musikala edo musikoterapia ikasten zaudetelako bertan. Musika-tresna ikasteko 12 gela, perkusio-gela bat, taldeko ikasketak egiteko hiru gela, entsegu-gela bat eta ikasteko lau kabina ditu. Entsegu-gelak zabaldu daitezkeen leiho erraldoia dauka eta honek kanpora begira errezitaldiak eman ahal izateko "kioskoa" bihurtzen du.

Getxo Antzokia-Musika Eskola konplexuak hiru entzunareto izango ditu. Nagusia, 800 leku baino gehiagorekin, ikuskizun handietarako prestatua izango da. Lehen sotoan kokatuta izango diren beste bietako bat, Musika Eskolako jarduerekin lotuagoa izango da eta 200 leku inguru izango ditu. Besteak erabilera anitzagoa izango du, bertan oso formatu eta mota desberdinetako ikuskizunak sartu ahal izango direlarik.

### IKASTURTEKO LEHEN ZORDUNKETA

Urriko bigarren hamabostaldiaren hasieran igorriko dizuegu ikasturteko lehen zordunketa. Dakizuenek, matrikulatuta zaudeteneko ikasgaiei dagokien kuota dago barne, bai eta matrikula-tasa ere irailan igorri ez zaizuenek.

### EKITALDIAK

Musika Eskolako txistulariak izan dira gure taldeen emanaldiei buruzko azken berriak eman ditugunetakoak. Lehenengoa, Algortako San Inazio Jailetako Jaitsieran izan zen, bigarrena Bilboko Aste Nagusiaren bornean, Jailetako azken igandean emandako ofiko alardean, eta hirugarrena irailaren 27an, igandea, Ama Mesedeetako Jailetan, gure Eskolako txistulariek egindako talde ederrarekin Aretako Maria Cristina Erregina kaleko oinezkoen aldea animatuz, barraskilo-txapelketarekin batera. Musika Eskolako Bandaren kideak ikusi genituen ere laguntzen eta fanfarreekin jotzen Algortako Jailetan... Gure zoriona guztiok zuen emanaldiengatik.

### Hileko egutegia

Urria

al	ar	az	og	or	la	ig
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	

■ Jai-egunak

■ Eskolako jarduerak

■ Jarduerak jai-egunean